



12228

前賢小集拾遺卷第二

過大浪灘

急浪吹飛雪，鳴篙破曉灘。
異鄉人易老，行路古來難。
玉露晨初溼，天河夜不乾。
飄流雙鬢白，未有一枝安。

水閣

水閣臨堤晚，簾鉤暖翠通。
睡鶯鶯去後，夢到蝶邊空。
春欲從人別，花消昨日紅。
多情湖上浪，拍拍戀東風。

前賢小集拾遺卷二

一 讀畫齋正本

初月

初月當樓動，風簾倚望斜。
光虧微有暈，桂薄不成花。
雲淡明林葉，溪清印岸沙。
去年寒露白，旅食在京華。

水國

水國煙霞客，春來始定居。
老逢人事懶，貧覺舊交疎。
隙影窺蟾滴，芸香散篋書。
西湖風月好，不到一年餘。

送中書王舍人使北虜

細馬縷金鞍
文星使可汗
袖中天詔重
帳外節毛寒
烽火燕城急
塵沙朔野寬
安邊存大體
何必斬樓蘭

飄轉

飄轉未歸客
風帆不夜舟
斷雲依水定
薄月帶沙流
香倚黃花岸
心清白露秋
林鴟棲未穩
飛亂北山頭

浙江十六夜對月

急槩浮天闊
長江得月遲
最憐新缺後
全勝未

前賢小集拾遺卷二

二讀書齋正本

圓時夜雪潮
千尺秋風桂
一枝潛蛟易
翻動怨笛莫驚吹

架壁

架壁珍藏萬古書
世閒清絕在吾廬
綠瓶香破分家釀
曲圃雲開翦露蔬
白日漸隨秋意短
故人盡向老來疎
今年種得回峰菊
亂點東籬玉不如

青衫

青衫著破禁中羅
楚澤吳江幾度過
仕宦宛如

極水淡朝廷空有故人多
漁村疎竹明風旆煙浦斜
陽起暮歌欲買田園歸海上
此身無奈客愁何

過李老隱居

南渡中興老幽棲日月長
買山供杖屨引水到池塘
習懶今成癖貪盃剝欲狂
相過舊賓客不換野衣裳

旅中遇故人

雲薄清溪水天寒黃葉風
鄉關三載別客路一

前賢小集拾遺卷二

三讀畫齋正本

樽同舊事如昨日問年俱老翁
相看今古意淚冷菊花叢

別蔣世修

傳道賢關客尋山向會稽
春風千里別花路寸心迷
天倚吳江闊雲隨禹穴低
蘭亭得遺墨爲我好封題

繫纜

繫纜縈回浪昏林入暮
鷓鴣水窮人有路天盡客
無家蕉葉浮春蟻魚歌隔
浦沙醉眠星斗下尋

夢卜年華

憶別

憶別富公子山桃兩度花人情皆念舊客路不
如家野草連天闊重山抱日斜寄書無過鴈愁
眼眩飛鴉

明月滿庭樹招馬道士

朱濟仲

漢

明月滿庭樹與子步清影參橫北斗低共此良
夜永一從明月缺子卽與我別兩槩泛西江搖
蕩萬頃雪明月今復圓子行阿那邊愛而不可
見望望空淒然願子理歸舟復向長安道快來
我庭前趁此明月好

蟻飲研槽歌

晴窗棐几風日舒呼童汲水供蟾蜍涓流入研
元穎濡一蟻蠢蠢爰來趨須臾十百與之俱前
後有行不亂踰宛若徙穴舁腐餘想應燥吻唇
頰枯清夢思欲吞江湖搖尾羞作涸轍呼奮迅
恰如東海魚物生天地小大殊飢食渴飲皆同
塗矧爾有靈非至愚大槐南柯名利區一夢而

覺驚幻虛爾其聽我母睢盱爾吭既沃腹既腴
歸安其藏勿浪逋階前羣兒政嬉娛以指劃土
縻爾軀

入山二首

雨足溪漲綠風高花委紅天清氣自佳獨步來
山中見竹不敢穿生怕傷籜龍

溪頭浴吾鬚樹底蔭吾影四顧無人來獨坐了
俄頃欲去更徘徊夕陽射峯頂

傾城誤人身寄內翰洪丈

前賢小集拾遺卷二

五讀畫齋正本

傾城誤人身嗟哉難具陳請君試側耳聽妾歌
其因妾初未笄學新妝肌理玉雪眉黛長融怡
窈窕銷金裳態濃意遠奪目光當時見者心爲
狂共謂絕代驚非常擬思昭陽奉君王三千寵
愛一身當寧知事大繆嫁作蕩子婦空閨獨宿
度芳華蓬首亂鬢顏色朽四海十年不相聞一
朝歸來新閒舊新閒舊妾何有攢妾不使侍箕
箒佳人多命薄是事君信否傾城誤人身古來
唯有李夫人延年作歌帝所珍貯之金屋薦華

茵寵光雜遝疏弟昆將死掩面畱餘恩千載不
復見言之涕沾巾傾城誤人身此曲哀怨何可
聽

寒夜曲

寒夜夜政長愁人背燈立驚風搖竹樹棲鳥墮
復集山空接響多室靜虛白入怱悵不成眠殘
鐘曉邊急

題徐禮部家歸去來圖

古木參天叫杜鵑春愁渾在夕陽邊看君此畫

前賢小集拾遺卷二

六讀書齋正本

還三歎憶得西江上水船

黃彥與從無逸求妻埋銘以研謝之無

逸邀予作歌

董瞿老

君不見昌黎翁南遷益覺文章工滑稽戲作毛
穎傳陶泓之族稱宏農又不見東坡翁生涯寄
食破研中詆訶龍尾尊鳳咮更誇丹石蒸赤紅
古來文士耽翰墨十有八九坐此窮怪君落筆
妙言語四壁才堪蔽風雨幾年結柳送奴星文
窮跳梁推不去研能窮人君不鄙爾來諛墓得

龍尾緹巾十襲不妄觀碑字三縑何足擬玉堂
視草乃稱之只恐元文似揚子君誇此研文似
羅柰君鹿裘帶索何我雖忍窮亦好事尚能搜
句爲君歌嗚呼魯公乞米家食粥不費銀鈎寫
珠玉

僕久客錢塘有吹笛月下者同旅聞之
淒然皆有歸思屬令賦之 李器之 遠

柯亭之椽不復得蘄州黃竹今尚存蒼崖翠壁
產脩榦千頃蕭索煙雲昏羌人眼力發天巧長

前賢小集拾遺卷二

七讀黃齋正本

笛裁成鳳膺飽老龍餘響出空星欲噴炎天作
秋曉西湖夜寂涼風生山頭一鉤新月明商聲
悽悲羽聲壯行子忽忽難爲情時無綠珠清音
激皓齒野王臨風三弄亦已矣唯有愁端無古
今舉刀不斷東流水深閨蘭燈照空牀笛聲不
如離恨長曲終人散一惆悵回首江山非故鄉
萬事浮雲過寥廓且醉盃中琥珀薄君不見玉
管橫吹黃鶴樓江城五月梅花落

題釣臺

潘德久 櫂

蟬冠未必似羊裘出處當時已孰籌但得諸公
依日月不妨老子臥林丘英雄陳迹千年在香
火空山萬木秋自笑黃塵吹鬢客愛來祠下繫
孤舟

送友人游金陵

酒盡譚餘意轉新北風一舸下寒津遙知白下
登樓處正欠黃初著句人往事省來多歲月舊
游疎似曉星辰半山斜日荒涼寺更有殘碑待
拂塵

前賢小集拾遺卷二

八讀畫齋正本

簡徐判院

風誼崢嶸昔未親正懸一榻待高人當年曾接
東萊話今日寧嫌北阮貧世味梅花開野水詩
情馬首沒黃塵何時載酒從君去靈鷲峯前借
早春

出郭

酤酒三家市題詩十里塘薄雲鷗外影空翠馬
頭香出郭知無事尋僧有底忙終當成野逸小
築近滄浪

歲莫懷舊

白髮將朱顏一去幾時返懷哉不能寐展轉復
展轉雀噪曉窗白雞鳴芳歲晚梅花眼中春故
情千里遠

還自錢塘道中

江上青山落照邊江頭歸客木蘭船春鷗自共
潮回去一點飛來是柳絲

自滁陽回至烏衣鎮

行人元不恨長途下馬旗亭酒可沽回首瑯琊

前賢小集拾遺卷二

九讀畫齋正本

山不見西風吹起豆田烏

鴈蕩道中

千丈巖頭一點紅春風吹落淺莎中山僧倚杖
移時去說似溪邊采藥翁

寒夜

杜子野 未

寒夜客來茶當酒竹爐湯沸火初紅尋常一樣
窗前月才有梅花便不同

窗閒

秋香爛熳入屏帷金粟樓臺富貴時曉起旋收

花上露窗閒寫夜來詩

同紫芝游西山

幾番江上凭欄久今在西山山裏行天遣得隨
三客後春來無此一朝晴方穿藤蔓尋源去忽
見煙霏趁步生幽鳥向人作清唳似應知我有
詩成

同紫芝宿雙嶺

本作翠巖遊反成雙嶺畱雲深山易晚雨過寺
如秋野水連青竹殘僧半白頭上方成共宿劇

前賢小集拾遺卷二

十讀畫齋正本

語到元幽

茗溪

風掠篷窗兩鬢秋生涯無歲不扁舟吟詩本欲
相消遣及到吟成字字愁

凌歊臺

幾年聽客話凌歊不似臺邊目力遙千古江山
猶昨日六宮歌舞自前朝苔碑有字多漫滅野
寺無僧轉寂寥碧聚雙蛾愁不斂闌干落照重
魂消

田家翁姥行

王季行 必達

大兒領傭夫去作家後田小兒專牧牛牛背歌
且眠大兒有婦謹烹爨翁姥得閒惟飽飯翁時
挈榼勞苦兒姥亦追隨筋力健兒方輟耕吼飢
腸顧見翁姥喜莫量尖泥剝落清酒美桑葉裹
纏新餅香田頭車靜雨初足白水盈疇照秧綠
翁前語兒莫辭勤指日秋春要炊玉人言養兒
百不憂翁姥養兒一無求只今未見翁姥福更
待雞肥社醅熟

前賢小集拾遺卷二

士讀書齋正本

贈陳宗之

鄭立之 斯立

昔人耽隱約屠酤身亦安矧伊叢古書枕藉於
其閒讀書博詩趣鬻書奉親歡君能有此樂冷
淡世所難我本抱孤尚爲貧試彈冠欲和南薰
琴秋風歛戒寒恬無分外想賸有日晷閒閱書
於市塵得君羈思寬誦其所爲詩刻苦雕肺肝
陶韋淡不俗郊島深以艱君勇欲兼之日夜唵
辛酸京華聲利窟車馬如浪翻淡妝誰爲容古
曲誰爲彈桐陰覆月色靜夜獨往還人皆掉臂

過我自刮眼看百年適志耳豈必身是官不見
林和靖清名載孤山

聽悟師彈招隱

黃佑甫

順之

悟師手攜清風琴爲我再奏招隱吟九原靈均
不可作後人遺恨空沈沈令我聽之淚霑襟楚
山日落秋聲起古猿啼月空山裏千年愁氣上
青楓幽蘭無香桂華死吾道非耶何至此曲中
歷歷分明道苦怨王孫負春草歲晚山中難久
畱憶君一夕令人老王孫王孫知不知琴心招
君胡不歸下沿湘江之水流上逐湘山之雲飛
一彈一招一太息水流雲飛朝復夕

送葉靖逸

山高積雪明歲序冉以逼佳人抱書去西湖失
顏色清夜獨慷慨詩壇夢生棘我有雙鯉魚對
之不敢食

長門怨

錦瑟新添一歲塵寶鸞空負百年身建章萬戶
鶯花好只有長門更不春

贈陳宗之

羨君家闕下不踏九衢塵萬卷書中坐一生閒
裏身貪詩疑有債閱世欲無人昨日相思處桐
花爛熳春

初寓橫涇

十年泉石夢及此始依然野迴天垂地身閒日
抵年稍欣聞見少漸與土風便分得漁樵席白
雲相共眠

題巖礪寺

巖花得雨新如染古樹懸崖怪欲飛日暮溪深
人不渡一雙白鳥傍林歸

題九曲尼院

曾是霓裳第一人曲終認得本來身多年不作
東風夢閒却薔薇一架春

劍

撫劍悲歌壯淚流海清嶽靜世無讎匣中幸有
容身地莫遣光芒射斗牛

觀冷水谷桃花

石家步障久成塵移作包山一段春惆悵日斜
原上路年年紅雨打行人

峽中山高已牌方見日色 黃叔萬傑人傑

上峽扁舟穩灘平水不波山高見日晚谷遠受
雲多亂石爭奇怪幽禽自獻歌若無詩寫興奈
此景佳何

日暮 龐佑甫 謙孺

水底晃微霞孤村古路叉稻簷排凍雀牛背落
昏鴉行客猶貪路歸帆未到家交遊書札斷寂

前賢小集拾遺卷二 十四讀畫堂齋正本

冥過天涯

題渡水羅漢畫

偏袒右肩赤一膊開顏含笑不作惡廣深莫種
金蓮花故使浮盃襯雙脚心既忘形亦忘怖徒
使旁觀毛髮豎本無行止令人圖竟到彼岸歸
何處我知畫者意識真是故古來傳至今亦無
此心可得驚亦無此身可得沈浪頭乘風正得
路不動莊嚴幾時去從今不往亦不還一幅之
閒作常住君不聞古人祇作如是觀請公莫問

何以故

郊居九日

樹夾門方正谿侵岸欲墮水搖雲影動風抑鳥
聲回籬缺舟常過庭空客不來故人經歲月又
見菊花開

前賢小集拾遺卷第二

前賢小集拾遺卷二

五讀畫齋正本

前賢小集拾遺卷第三

甲申仲冬侍親由 在所還毘陵舟泊

村渚

陳君正翊

日暮成孤泊棲遲得小安雪融沙觜露雲拂鴈
翎寒過櫓冰痕薄通村水泐寬詩情如廢井膾
覺起微瀾

曉行

客夢正無憑喧呼睡不能月移篷背雪人遠岸
頭燈檣影浮寒水篙聲碎斷冰狸奴渾未覺餘

前賢小集拾遺卷三

一 讀書齋正本

媛戀青綾

夜坐卽事遣興

小閣暮雲遠亂山黃葉稀斗低天軸動霜冷月
魂飛愛客樽常滿尋詩帶減圍庭烏繞高樹游
子亦思歸

寒窗賦

虛室玲瓏別有天晦明每被物情遷幾番黃葉
送秋色屢對青燈分夜煙隙小風尖鳴浙瀝紙
輕雪急響清圓更闌人靜疑無月且與梅花借

月眠

和元耘軒賦木蕖來字韻

碧樹籠秋池錦帳迎風開水光曳倒影矮菊紛
輿臺春風木芍藥是花豈雲來淡妝絕脂粉獨
秀牆之隈彷彿秦與號上馬猶徘徊持以贈美
人斜插烏雲堆

便橋泊舟

項宥甫 誥

身寄一葉舟擾擾又行役不知寒襲人但覺酒
無力霜剝岸石裂風激水波逆望眼浩無涯遠

前賢小集拾遺卷三

二讀書齋正本

山相對碧

寄趙紫芝

潘幼明 亥

長安獨跨驢一別二年餘朝士不能薦承明空
有廬窗虛桐影薄權冷桂花初莫怪無書札心
親迹任疎

明妃曲

徐思叔 得之

妾生豈願爲胡婦失信寧當累明主已傷畫史
忍欺君莫使君王更欺虜琵琶却解將心語一
曲才終恨何數朦朧胡霧染宮花淚眼橫波時

自雨專房莫倚黃金路多少專房棄如土寧從
別去得深嘆一步思君一回顧胡山不隔思歸
路只把琵琶寫辛苦君不見有言不食古高辛
生女無嫌嫁盤瓠

種梅

史景望 文卿

呼僮耕雲種瑤樹斗挂青冥下風露隔林野鶴
不知寒爲我飛來復飛去

又

素與梅花自有緣又移幾本種庭前鏡中一半

前賢小集拾遺卷三

三讀書齋正本

閒風月不屬王郎載雪船

惜春

秀麥條桑翦翦寒錦屏殘夢怯衣單惜春只怕
春歸去多插瓶花在處安

秋詞

寫就秋詞鴈影稀背燈無語獨眠遲畫欄點滴
芭蕉雨一夜將愁向阿誰

又

桂枝風動小山幽雨過陂池水漫流擬作楚騷

吟未了一行新鴈數聲秋

枯梅

樛枝半著古苔痕萬斛寒香一點春總爲古今
吟不盡十分清瘦似詩人

絕句

無名氏

侍宴黃昏未肯休玉堦夜色月如流朝來自覺
承恩最笑倩傷人認繡毬

春閨怨

吳信父 仲孚

細柳輕煙鎖畫樓樓中人去水長流琵琶聲斷

前賢小集拾遺卷三

四讀畫齋正本

梅花落別是春風一種愁

歸州竹枝詞

無名氏

人鮓甕頭波放顛兩岸青山青插天篙師力盡
客破膽茅屋老翁方醉眠

武康道中

俞商卿 顯

竹牕聽雨自安眠不道驚湍近屋前省得去年
桃葉渡水痕只到樹傍邊

水心先生墓下作

王希道 汶

排雲上殊庭備物儼神道含酸步逶迤積疢思

遐漂乘風來帝旁，駕說落窮島。百聖集會期，萬
化資斧藻。瞻前鳳，漂漂顧後龍。矯矯寶璐列，中
華韶音被。夷獠肅肅闕，里牆萋萋墓。林草誰尸
兩楹夢，而復悲一老。曩余稚養蒙，今日幸茹藟。
超然欲徑陳，窅爾竟虛抱。育德德何成，果行行
何造。沔彼江海流，不納此行潦。青松珠露團，怪
石紫煙遶。千年萬年垂，封樹等穹昊。

寄韓澗泉三首

達人貴適己，脫屣離王庭。袖此轉物手，悅我違

前賢小集拾遺卷三

五
讀
書
齋
正
本

俗醒晚，彼岐山鳥揚光來青冥。豈其覽德輝，而
寫啄腐腥。翻雲吐嘉音，濯露潔脩翎。紛紛世網
密，何由覲爾形。

在困多促促，長懷特栖者。崔嵬玉山岑，其誰秣
余馬。朝隨澗雲浮，暮逐澗泉瀉。光儀儼神交，晤
言冀心寫。食魚不知肥，采菊不盈把。願垂白日
影，照我葑屋下。

浮榮安可搦，高蹈何恨早。處則爲遠志，出則爲
小草。脩名隨風翔，嘉遯若龍矯。棲遲二十年，匣

此不世寶灑露團紅蘭涼吹發清昊因知吐芳
訊慰我夙昔抱

送應顯夫之上饒

細雨杏花斑飛飛燕子還人隨煙棹去門對釣
磯閒曉月偏驚夢春雲不離山定知多好句音
問盍相關

寄葛元成

子規啼不歇君向越山聽既已疎吟伴誰當共
酒餅松花全是粉柳絮半爲萍自笑無生計閒

前賢小集拾遺卷三

六讀書齋正本

箋相鶴經

有懷蔡貫之子與

相看計盡非息影更何疑幾日鴈初過一冬寒
較遲竹宐和雪看梅好帶花移只此清貧趣知
心者是誰

白鶴寺

戴文子 棚

子晉昔游處平臺片石成寺名猶記鶴松響却
疑笙巖壁飛雙瀑金沙照一泓野人豈仙伴隨
鹿過溪行

送項季約赴成都鈐幹呈洪倅

辟奏來從舊所知蜀天萬里去嫌遲清油幕建
元寮貴錦領首參小校隨千古淚痕諸葛事十
分行色杜家詩益州別駕如相問爲說思君草
檄時

送盧次夔赴仲父校書之招

離家向京國客思獨從容有句詩人賞無書館
吏供蟄雷先一月晴嶺沓千峯馬上思親處題
緘寄所逢

南賢小集拾遺卷三

七讀書齋正本

括溪停舟

趙叔魯

汝逆

樹古半成槎溪邊歷歷斜寒林欲無路小塢不
多家去客背流葉停舟見暮鴉朝朝省秋水頻
減一痕沙

四聖觀納涼

林宮暑自薄短簟逸人眠樹繫來時馬風移聽
處蟬藥童清入畫道士默如禪忽憶山中雪瘦
梅逋老阡

哭趙蹈中

族老今爲海內憐清名多是布衣傳一封表乞
從師郡千里神寒覓句年水鏡照人前日政雨
絲吹旒別時船離家憶值梅初白梅未成陰失
此賢

朱令招作社獻

杜子野 未

閒官得趁宰官行農務村村早辦耕燕子知時
還記舊社公合雨却成晴登壇飲福雖無稱割
肉懷歸似有情宿霧盡披山歷歷賣花人起欲
天明

前賢小集拾遺卷三

八讀畫齋正本

題李少保家傳

將軍忠憤世無雙忍見狂童作假王全蜀不移
唐日月四州重著漢衣裳節旄凜凜風霜在兄
弟班班史傳香若使中營星未殞生擒頡利到
龍荒

秋晚

穫稻已空霜未落秋風雖老鴈猶遲丹林黃葉
斜陽外絕勝春山暮雨時

小山卽事

一閒殊足樂物物入吾詩雨過苔逾碧風來竹
屢欹日長思睡急磨老出茶遲近得邊頭信今
當六月師

又

常時嘗愛酒此夕更登樓月有十分好人無一
點愁雲山開宿霧燈火近清秋何事太孤絕前
身是楚囚

遊禪寂寺訪隱居

官閒仍暇日乘興共尋芳久雨山溪潤新晴花

前賢小集拾遺卷三

九讀畫齋正本

氣香春偏藏古寺水漸滿閒塘忽有隱居者畱
人看海棠

贈陳宗之

往年曾見趙天樂數說君家書滿牀成卷好詩
人借看盈壺名酒母先嘗對河却見桐陰合隔
壁應聞芸葉香老不愛文空手出從今煩爲蓄
仙方

重宿紫芝

書窗隔湖水寒氣倍馮陵集宿因重到新詩得

再承月明山入坐酒渴夜敲冰爲爾二三友令人去未能

江西宗派

鄭景輔 天錫

西江一水活春茶寒谷青燈夜撥花人比建安多作者詩從元祐總名家宮商迭奏絃邊鴈鼓吹都慚井底蛙身在天南心太史幾番搔首夕陽斜

秋意

蔣太璞 廷玉

秋意如詩淡又如湘水清無家人易感有筆畫

前賢小集拾遺卷三

十讀畫齋正本

難成月冷砧千杵江空鴈一聲夢回蕉葉上殘雨幾番鳴

淨刹

碑上文難讀開山失所傳巖松秋落子石井夜添泉地曠常多月廚寒不起煙昔年曾有虎來到寺門前

遣懷五首寄致道

謝希孟 直

貧者士之常富亦我所欲得常詎可厭逐欲何由足荒哉化蝶翁微歟監河粟人生命如綫日

須不盈匊俯仰天地閒何由謝羈束

時命各有遇何言富與貧有來疾雷電決去微埃塵坐令區區者視此爲鬼神既有得失患自忘情性眞所以首陽山昔有餓死人

君子不謀食士固食於人飢餓自有責何足煩吾神拂几展我書熟讀困蹇屯義文與周孔可鑒道屈信歎歎眼中事悠悠塵閒身

生當益於人爲道固不同賜也乃結駟回也乃屢空憶昔年少壯未知理窮通收身百憂餘自

前賢小集拾遺卷三

十一讀畫齋正本

置寂寞中餽粥儻可繼當爲七十翁

在昔營居巢首尾三十年高隣念羈旅分我佳林泉自從倉幕歸亦買半頃田坐念顏太師粥竭祇益煎不如邊孝先晝眠腹便便

辰十月八日同希周掃松靈石晚步松

下愴然有懷以數詩示兒姪輩邀希周

同賦時阿同在新城他日當寄之

寒光轉南陸夕景上喬木層柯蔭脩徑疏密散金綠緬懷載酒人蘿蔓記遐躅行行出林表煙

莽際童牧時有種麥兒揮鉏電翻覆

老樹誰所栽及茲上交蓋崢嶸仰巨樟秀發憐
稚檜悠然攬心思慨我百年外我懷引以長天
色慘欲晦投牀聞夕鍾擁衾不成醉

長懷邴曼容遠慕蘧伯玉養志則安能寡過亦
所欲邈哉誤儒冠坐使衣食促羸書不論金終
身未易讀灑掃慚老僧日食纔一粥

先公爲直言蔡林古無書家貧賣窗箔編籀聚
所餘取之寫文字瑣細行蟲蛆遂令後奕世衣

前賢八集拾遺卷三

十三讀畫齋正本

冠出門閭今爲執政孫學與不學歟

小夫智解短錐刀競其身養志與養體孰爲能
事親堂堂父母軀浩浩仁義貧此貧不以道此
樂豈非眞我知我天分人言葛天民

昔在井田日一民本非四農隙或工商其秀乃
稱士是知桑禾閒可以寄書史時非長桀耦時
得伊傅事卒歲優游哉吾道甚簡易

淵明眞學者餘事聊爲詩我讀命子篇愴彼已
焉辭後來杜陵翁自笑身長兒我昔過庭日教

誨真嚴師哀哀蓼莪淚灑灑墳樹枝

長懷際天淵短懷在眉睫吾門起典午台徙令
五葉中原氣象屬前輩風流接柰何不竟書而
欲事作業感此懷短長賦詩寫習習

野外卽事

吳巨川 濟

橫木渡前溪藤深路欲迷瘦筇語亂石老屐帶
新泥盡日綠陰合有時黃鳥啼多情雙蛺蝶飛
傷帽簷低

欄邊

前賢小集拾遺卷三

三讀畫齋正本

潮信欄邊見人家樹杪分筇鞭遮過蟻蛛網礙
飛蚊松古藏靈藥山高落冷雲吾廬遠城市花
草故欣欣

鮑家田

搖旆家家酒收犁處處村草深迷井口槿密擁
籬根綠水明秧本青山失燒痕多應忌蠶事畏
客掩柴門

秋興

傷秋愁不斷鄰杵已鳴霜寶扇鸞收影新筍蟻

帶香疎花停懶蝶細草庇寒螿落葉無人掃庭
空下夕陽

疇陳校書見寄

趙端行 希迈

日長松院靜孤坐對殘編雨久波平岸山高燒
接天春醒茶可解詩病藥難痊獨喜君清政南
中客共傳

白鶴關

危亭石作關假道一躋攀白鶴何年去青松盡
日閒坐時間遠水望處小他山衲子雲衣厚寒
猶宿此閒

前賢小集拾遺卷三

十四讀書齋正本

贈劉隱居

幽居雜嶺雲清過晉時人學苦常如病家和不
見貧雪消崖溜急春近燒痕新寒燭半明滅通
宵語意眞

李長吉

柯東海 夢得

天遣皇孫二十七若木望來高幾尺行空萬里
是祥雲入地千年成琥珀玉樓渺漠無人到高
臺自古悲風早碧雲盡處是天衢更沒青青河

畔草

陌上桑

朝採陌上桑暮採陌上桑一桑十日採不見薄
情郎正是吳頭桑葉綠行人莫唱江南曲

見舊題壁

小遲點筆醉還嘔畫斷蕭梁古佛塵今日重來
應抵掌十年分付未逢人

晚望

無數寒鴉來遠鍾物華心跡偶然同不知海北

前賢小集拾遺卷三

十五讀書齋正本

江南路更有愁人立晚風

秋懷五首

李恭甫

謙

西風入商管衆木夜有聲候蟲竟何爲聒聒終
夕鳴彼亦有所思感此歲月征人生豈異適長
嘯一拊楹

離離牽牛花縈蔓遶叢棘秋風一披拂冉冉弄
寒色物芳時輒改百歲幾食息長憂髀肉生悲
歌涕霑臆

敗壁鳴莎雞涼月照虛堂南隣機杼聲熒熒燈

火光遙聞誰家砧已趣公子裳佳人在何許葉
落山中霜

英英庭前蘭密密園中桂涼飈駕遠馥素景饒
清麗我居無俗物二子時獨詣願言永爲好千
載成幽契

東籬數叢菊已著金粟藥重陽能幾時使我日
屈指向來陶淵明勿謂今已矣我欲置樽酒採
之雜浮蟻

題大和樓壁

無名氏

前賢小集拾遺卷三

共讀書齋正本

大和酒樓三百間大槽晝夜聲潺潺千夫承糟
萬夫甕有酒如海糟如山銅鍋鎔盡龍山雪金
波湧出西湖月星宮瓊漿天下無九醞仙方誰
漏泄皇都春色滿錢塘蘇小當壚酒倍香席分
珠履三千客後列金釵十二行一座行觴歌一
曲樓東聲斷樓西續就中茜袖擁紅豆春葱不
露人如玉今年和氣充華夷遊人不醉終不歸
金貂玉麈寧論價對月逢花能幾時有个酒仙
人不識幅巾大袖豪無敵醉後題詩自不知但

見龍蛇滿東壁

前賢小集拾遺卷第三

前賢小集拾遺卷三

七
讀畫齋正本

12228

